

十

御書

節孝先生文集卷第二十三

律詩四十一首


天都仙 三首

甘露洒時黃道肅  
絳霞環處紫宮嚴  
金華未啓瑤臺曉  
流月奔星共一簾

真童列杖嚴如兵  
誅姦誅令雷風行  
俄聞一物不遂性  
急傳口詔春陽生

天兵十萬着犀衣  
手執金幢踏彩霓  
龍共玉麟相次列  
群鸞班在鳳凰西

早朝仙 三首



紫瑤闕上煙霞曉赤玉階前劍佩齊十二金童傳詔  
罷雲冠星弁一時低

紫府真人朝玉京三千玉版先進名叩頭欲跪紫煙  
合但聞玉佩玲瓏聲

閭闔雲深未啓闕霓衣夾道已成班  
須臾特詔仙官  
入日月諸星共放還

朝迴仙

恣恣朝罷九重天便按蓬萊御紫烟  
趁得蟠桃花下  
宴鼓簫諸部約三千

文仙

紫微詔誥都經手東壁圖書盡在家  
何日再遊群玉  
府吟窓依舊鎖烟霞

武仙

冠佩嚴嚴坐絳雲環兵列仗是何人  
諸仙稟命群靈  
肅玉冊金符盡在身

富仙

碧霞樓上常先曉白玉宮中愛早寒  
亂玉甃成池浴  
寫潭金削就棟栳鸞

貧仙

莫恠先生身上貧眼看外物似浮雲  
房中除却琴棋

後更有門前鶴一群

貴仙

鳳節霓旌擁萬神  
五雲車騎駕龍麟  
腰間獨佩黃金錄  
兀是瑤宮第一人

吟仙

金編誦處無人見  
玉洞題時有鳳知  
昨夜忽然何處去  
月中吟就白雲詩

醉仙

曾共諸仙宴紫微  
金鍾插羽疾於飛  
醉魂已望三山去  
猶整華冠齊羽衣

醉起仙

佩環聲動出金華  
鳳引鸞隨入絳霞  
行到瑤臺雲路狹  
側身趨避玉妃車

廉仙

人間日月分度過  
天外星河入戶流  
是物化金無所用  
滿田種玉不曾收

寡欲仙

膝上橫琴鶴在傍  
白雲衣共白雲裳  
夜深閑卧南窓月  
更有清風共一床

地仙

瑤臺紫府都歸夢碧洞紅塵總是家蓬島有時來問  
信桃源無處不開花

玉妃

琳琅宮殿本無塵猶跨青鸞踏紫雲怪得曉來天色  
淡海霞都在玉妃裙

麻姑二首

折盡青林多少花麻姑却在蔡經家瑤臺好醉無人  
醉鳳愁鸞樓空暮霞

不道風塵良苦辛却停仙仗醉紅塵青鸞一去無消息  
只被麻姑誤殺人

閑仙

先生坐時雲滿裳先生卧時雲滿床白雲終日自來  
去若比先生雲尚忙

碁仙

壺中白日何曾夜洞裏桃花別是春一局閑  
了坐中老却採樵人

夜宴仙二首

閭闔宮中夜宴開手揮明月坐瑤

如娥

到却放投壺玉女來

明月宮中夜宴多坐中齊

玩玉珮三千

女不着人間俗綺羅

困仙

洞中一覺春風夢落盡桃源萬樹花  
竈上丹砂尋不見騎鶴誤入阿誰家

浴仙

玉佩珠襦自辟塵瑤池浴罷卧紅雲  
指揮莫放香波去留與龍兒并鳳群

詩酒仙二首

玉譜天書金版字桂花濃釀碧霞漿  
無人敢與為詩敵有客時來覓酒嘗

閑雲淡月為詩態春日春風是酒容  
玉女爭求新樂府金童時獻碧瑤鐘

太平仙

誰知我是太平仙歌罷浮雲笑暮烟  
更倚玉樓吟樂府斷虹消盡月明天

贈別仙

平日惠言薄萬金此時何惜贈君行  
好名不是真人事美向人間留姓名

雪仙

九重天路忽難通誰與傳書寄閭風  
鶴馭三千無處

覓銀潢萬丈一時空

望仙

好雲消盡鶴空來  
一去麻姑更不迴  
紫府路從何處  
去碧桃花向夢中開

無妄仙

清風窓外雲初去  
明月池中鶴自還  
春色一簾閑睡  
過瑤花落盡不抽關

希夷仙 二首

白雲夫子號希夷  
碧玉窓中下絳帷  
皓首勒成書萬  
帙病鶴偷見鶴偷知

紅塵舊學今雖廢  
紫府新書近已齊  
三十六仙俱不  
見玉函金鎖印龍泥

悟仙

昔日聞人說上清  
如今高步太元庭  
有時却憶紅塵  
事恰似夢回并酒醒

惡偽仙

本希上聖忘言學  
傍采南華寓意書  
去偽即真雖有  
道未知人意自何如

劍仙

此劍曾將赤霄倚  
雲雷欲戰秋風起  
携下赤霄磨玉

山玉山色變龍蛇寒霜飛浪活河漢精星辰日月分  
光明天生神物不可犯曾向人間誅不平玉龍不死  
常在腰一抹血腥猶未消莫教望見延平水待與天  
地除凶妖

水仙四首

曾乘秋浪泛銀河撥盡閑雲恣浩歌明月一環來拂  
面玉龍十萬總隨波  
天上瑤池為別館海間金闕是離宮徐行按盡烟波  
國高步却來雲漢中  
昨夜曾游洛女家自知此處勝烟霞回鶯更按湘妃

曲醉踏烟波弄月華

龍馭曾遊絳水霞回來却坐赤鯨車夜深正解雙珠  
珮莫點犀燈照我家



節孝先生文集卷第二十四

律詩三十七首

無累仙

塵世紛紛總是空  
花開花落幾時窮  
有人若問烟霞事  
我是逍遙無累翁

笑仙

天上人間自不同  
莫將澆俗比真風  
真風大抵無今古  
萬事都來一笑中

憂仙

我是真人何所憂  
所憂世俗好多求  
相謀相詐何時

了一笑一啼無日休

閔仙

禍福之來本自求世人聞語不回頭但知自快身  
前欲不道永為身後羞

又水仙四首

紫金沙路明珠闕浴罷龍兒洗明月待來人世等  
麻姑只被塵埃汙羅襪

為買蟠桃海上花明珠滿載玉龍車蓬山諸子須相  
問笑指烟波是我家

我是江湖都一掬海水雖深不濡足待教平地產明  
珠但恐人更多欲

伍子波濤空淼然至今猶有不平言屈原褊淺尤多  
忿但恐有時來訴冤

勞仙

朝採藥暮採藥踏盡閑雲一雙脚出一山入一山先  
生如此何時閑有時兩脚不出戶不煉黃金即煉丹  
先生手足已勞苦一心欲把河沙數却笑閑仙無所  
為閑仙端坐亦相嗤大都世事亦如此相笑相非無  
盡時

宴仙

紫瑤樓上宴真人  
膾是鯨鯢脯是麟  
醉倒玉妃何處  
去烟霞迎步鶴  
隨身

晨起仙

帳外雙童持劍履  
一榻紅雲睡初起  
滿面清風漱月  
華瑤槃更挹明河水

童仙

憶昔為兒跨竹梢  
誰何傳與太平謠  
如今羽化已千  
載紅鬚朱顏更不凋

老仙

脚踏青雲身已老  
訪道修真恨不早  
曾見商周全

時不及唐虞古風好

飽仙

誰道真人能辟穀  
先生每食無餘肉  
隣家便是忍飢  
仙餬口之糧猶不足

飢仙

糧雖不足氣常充  
真是根源久是功  
真久不惟能養  
氣幽明亦可感而通

茶仙

賜得龍田不種花  
自携瑤水灌烟霞  
誰將玉樹雙枝  
換只得春前一寸芽

狂仙

香枝灑面瑤池水霞艷裝衣闌苑花一半是狂兼是  
醉急教扶去卧烟霞

迷路仙

當時採藥因迷路平上青雲不用梯却似人間行路  
者醉魂春夢至今迷

賣藥仙

蹄涔蟻垤何須較芳草浮雲事可知曾向人間閑賣  
藥塵埃滿眼看兒嬉

無知仙

為向平時尋古風幅巾芒履走塵中俗人不識烟霞  
客喚作無知賣藥翁

飛仙二首

不用駮鳶不御風騰身拖袂便乘空方從碧海游三  
島却駕烟霞上紫宮

十萬里餘都一息須知此道非人力有時閑望三山  
游鳶鳳滿天追不得

謫仙二首

曾宴巫山十二峯歸來謫下廣寒宮如今已得瑤環  
賜便揖浮丘騎玉虹

自脫霓裳辭玉闕玉符金字謫人間人間雖與烟霞  
隔醉夢吟覓自往還

忘憂仙

鳥不曾喧獸不爭鳶歌鳳舞碧瑤城群童盡唱忘憂  
曲也似人間樂太平

力仙二首

崆峒道人良多識易以真為難以力豈無群聖可相  
師亦有一篇言道德  
挾虎搏蛟良有力扼斷鯨咽批豹額虎豹雖獐却易  
防螻蟻口中藏劍戟

急仙

但把真聲吹鼓簫鳳來鳳去不須招浮槎河上無徒  
涉種玉田中莫攄苗

慢仙

急仙燒煉日盈罐慢仙十日未能半一人賣藥走不  
停一人得金不肯換

又雪仙二首

華蓋車前龍步滑紫微垣上鳳巢寒一時掃下塵泥  
去却入漢家盛露槃

人間多是苦寒飢短褐疎衾正弊時欲把霞衣都覆

蓋却辭玉女宴瑤池

求仙

神仙不知真，有無其術可圖。不可圖得之，不得存乎。命躁不以命良，可吁。愚夫忘欲，棄所愛，父母無子，妻無夫。本求長生不死術，天厭所壽，殘厥軀。

王霞弟子

王霞弟子非無學，金錄名仙亦有才。却作左慈筵上術，誰將酒脯盡携來。

藐仙

藐哉小哉，其奈何。牛蹄之水一泓多，若是膏中能自

養長源，巨派傾洪河。

竒仙

竒哉，竒哉，有此仙膏中。廣大可容天，深莫側兮高可仰。滄浪之水太山巔，

不可知

歌謠絕作彩衣童，策杖俄為白髮翁。走遍紅塵人莫問，先生意在不言中。

莫回頭

薄夫用意終歸險，更有鄉原事可羞。多少古人遺恨在紅塵，岐路莫回頭。

無奈何

我曹意者非忘物自是為仙無奈何海水玩來如股  
掌人心難處甚風波

無奈何兮無奈何失之哀兮得之歌巧拙其間不容  
寸得失相去能幾何

謫仙

我是蓬萊山上客暫到人間管春色謝家池館聳吟  
魂卓氏酒壚閑醉魄人間春色將奈何澹澹濃濃  
如波歸來說與秦王女麻姑偷去唱為歌

勸君仙

勸君莫折楊柳枝枝無根本任風吹勸君莫愛水中  
萍萍隨流水何時停莫愛春風山上草終到秋風便  
吹了更有籬邊紅槿花朝來錦繡暮泥窪不似茅庵  
水上家碧芦門徑白汀沙兩眼僅分鷗與鷗口無巧  
語心無邪不但無邪兼寡欲釣得一魚心便足漁衣  
便是岸頭莎釣竿自種籬邊竹

龍仙

雲是口中氣雨是口中沫口中噓吸湏臾問天下焦  
枯一時活

鳳仙

百尺樓頭鳳一群  
聲如韶濩羽如雲  
開口一鳴天路  
白六龍馳上海之濱

鸞

吹簫臺上曾歌舞  
留住秦雲伴秦女  
近來長趁紫宸  
朝麟鳳肩隨龍接武

鶴

任教鷄鶩爭糠粃  
脫身一舉三千里  
如今直入鳳凰  
池口啄琅玕飲瑤水  
舊群流落在人間  
為趁稻梁飛不起

節孝先生文集卷第二十四

節孝先生文集卷第二十五

律詩三十四首

清虛臺題華州崔氏園

名園自郊谷何況築高臺  
酷暑未嘗到清風長自來  
雲嵐瞰山罅煙水近池隈  
誰更將松竹簫森四面栽

華州太守花園

南園花謝北園開  
紅拂欄干翠拂苔  
却是梧桐且栽  
取丹山相次鳳凰來

送李守

莫說真州南畔路  
楚望亭南路已遙  
只可寄聲來見



問更難折簡去相招船頭何處逢秋水山下誰家把  
酒瓢且趁潮行急搖舫到江州後更無潮癸亥六月  
十三日與朱至機坐間得此到江後更無潮一句其夕枕  
上成篇也

擬和御製賞花釣魚

禁苑千花一夜開祥烟深處翠華來重輪日色輝天  
步萬歲山聲薦壽杯魚躍靈池初浩渺鳳巢阿閣正  
徘徊姚虞臣主方賡唱蓬華儒生願竊陪

舞

十幅華裯遍畫堂仙家粧束學霓裳一雙舞袖鶯凰  
勢滿院春風羅綺香巫峽朝雲無定意漢濱珠珮雜  
鳴璫歌聲未罷全無力歸去重關泣暈粧

錢塘江潮二首

獨派豈從天漢墜千濤爭赴海波還齊聲怒過轟雷  
鼓亂沫噴來碎玉山塵土刮開心目外冰霜留在骨  
毛間君看江上潮平後恰似魚龍戰鬪閑

滄溟幾道入江淮此獨奇哉復怪哉風雨初隨霜練  
起雷霆俄送雪山來豈無海物齊驅過亦似神兵合  
陣迴君向西湖亭上看杭州不信有塵埃

秋水

水與秋月色清無一點瑕有情山共遠無恨日初斜  
鷺下沉寒葦鴈空遺暖沙旋將堤畔木學泛斗邊槎

題東軒二首

我有東軒景喜君為此行一如曠野外四面好風生  
但見雲連樹不知山是城重來如有約秋水夕陽明

又

我家東畔好凭欄柳一林邊水一灣城下人烟都似  
野城頭雲樹恰如山

中秋月二首

青女霜華夜不收一天如掃月如流素娥奔去已千

古狡兔隱來還幾秋冷逼蚊雷声徙息光摧螢火色  
何幽塵埃两眼洗不淨安得凌雲萬丈樓

珠箔珊珊掛玉鈞金梯軋軋倚紅樓桂搖團影上層  
漢桐墜疎陰纔半秋萬頃玉田和露白一環瑤水帶  
霜流何人獨向繡幃泣燭淚淋漓香篆幽

九月九六首

九日一首上煩

運使殿院一笑并酬酒伴賢閑之句林旦次中

九日諸公欲上山淮東病叟正閑閑如從酒伴無慙  
色儻論賢才即汗顏適載巨庖尋陋巷仍封大軸委

樵閨不知我是扶犁手  
王樹成林盡許攀

又何必一首自賦也

何必南山與北山  
此心非獨此時閑  
手持白酒為常事  
頭帶黃華是強顏  
醉後浩歌來就榻  
醒時清嘯起抽闌  
誰人遺我明霞曲  
聲在赤霄無處攀

又有人一首再酬

運使殿院吟筒之句

有人才思聳如山  
已燕淮亭未肯閑  
親載綠醺溫病骨  
更歌白雪慰蒼顏  
老憑書几猶操筆  
暮等吟筒正啓闌  
兩手塵泥俱滌盡  
金莖玉露我須攀

又栢家一首上煩

太守公一笑輒借劉伶事  
以奉老氏之教又借陶潛事  
上謝明日之燕所以煩公一再笑也  
公蜀人也蓮峯繡嶺即其奉使往來之道  
是以為公賦之公既感之矣吟哦西望能不依依乎  
程守諱之元

栢家賓客正尋山  
劉子巖身盡日閑  
忽為著書驚晚節  
更因把菊覺衰顏  
白衣來緩思沽酒  
繡嶺登高夢入闌  
最好蓮華峯上路  
藤條葛蔓手齊攀  
蓮花繡嶺

在闌中往闌中謂之入闌  
往闌西謂之出闌  
蓮華峯五千仞  
登峯者須攀藤挽葛繡嶺宮在長臨  
潼縣望之如

繡也

又堂堂一首上煩

通理朝奉一笑所以酬交鋒將壇之句如賜一再觀即一再笑至於撫掌也蓋其力盡辭窮緣大句而變為此章也

堂堂兵陣列如山羽檄交飛勢未閑敵國正強無備處我師潛遁若為顏已張火炬嚴刁斗更使轅門置鐵關欲就將軍送降欵金城萬雉莫能攀

又非是一首上煩

運使殿院一笑用琴嘯事以酬稽阮之句也公詩

不來數日矣故用武侯強伏事也迺今日吟筒復來故用秦人開關事也諸公各以詩來四面受敵師老兵疲困於奔命以其所備者多也故有遁逃之句也復可一再笑也所謂驚坐客者是陳孟公也短篇小章猶足以為孟公邪公可復觀之可復呵呵一大笑也詩者吾家之鼓吹也引聲吟我無一事能干其間亦復時自笑也詩中之趣公所自得迺信筆及此

不是妻孥須入山著書未得片時閑琴逢嵇叔難施手嘯比孫登合覩顏幾日偃旗兼卧鼓今朝延敵又

開闔我師欲遁無歸路嚴壘如雲試一攀

除夜四首

春意忽忽又欲還一年都似片時間青雲有路終須到白日無情不響閑任老豈妨修古道更貧未肯憶深山明朝獻壽何為祝長著班衣奉母顏

但得文章與道深年來年去不關心幾時上得青雲後兩鬢徒教白髮侵匣內深藏三尺劍樽前獨抱一張琴辭高調古彈將曉待倩春風聽此音

一燈高照草堂中大笑高歌送歲窮柳色花光將屬我雪寒霜凜更相攻銅壺漏促三更盡白玉樽深一

釂空待到平明無別事只將詩句贈春風

前日慈闈獻壽觥為親歌詠祝長生被君翻作陽春曲却使巴人和不成

喜雨上山陽守

山陽太守奉更書盡束行裝載軸艫已有仁風為惠愛更留甘雨活焦枯稅墜帶溜蒼苗奮麥隴藏烟紺穎敷看取北郊臨去日爭先獻酒是農夫

詠雪

雪者陰之類大寒之所為於人無暖意着物有消時萬草若相畏孤松亦自持閑堦不須掃日照與風吹

答雪

一夜寒声梦不成  
讀書燈暗雪窗明  
起來待唱巴人曲  
問得陽春第一聲

春雪二首

天上星榆一夜彫  
曉風吹緊下層霄  
溪頭岸狹流應漲  
簾外春寒到不消  
數騎急投村墅宿  
幾人忙奔酒家謠  
登高望遍東城路  
又領詩兵戰寂寥

雪滿東風只到關  
西飛還不到長安  
鷺翹孤白精神健  
鶯歛黃金羽翼寒  
遠嶺王迷樵木徑  
晚溪水壓釣魚竿  
隴頭鼓腹謳吟者  
但向深秋前後看

雪中書事

聞道西家高捲簾  
昂頭吟笑雪花天  
東家正泛一杯酒  
北望孀親夜不眠

秋風

萬物已衰歇  
乾坤正沈寥  
數聲何處起  
萬竅一時號  
好木望君惜  
殘蓬任汝飄  
霜空靜如掃  
努力助飛鷗

秋雲

淡似秋河水  
濃於春塢煙  
隴頭寒塞鴈  
峽外晚江天  
忽斷月華墜  
乍明虹影連  
西風休強管  
飛勢自翩翩

樵家

隣叟是耕漁怡然只自如  
草迷春徑狹雀噪晚籬踈  
自向林泉慣翻嫌市井居  
兒童盡樵採斗粟亦無餘

村家

堦前生蔓草門外是多岐  
老叟行無伴兒童飽自嬉  
鷓鴣群巢衆樹狐迹過踈籬  
不肯勤耕耨豐凶為有時

漁者二首

枯笠搖風雪滿衣年年辛苦事  
漁磯有時釣得鱸鯨  
上又被行人買得歸

家住前村蘆葦中一生無事是漁翁  
眼看波浪如平地身向江湖若斷蓬  
小艇醉眠寒夜雨短帆閑掛夕

陽風營營市井應相笑不道錐刀盡是空

織女

此身非不愛羅衣月曉霜寒不下棧  
織得羅成還不  
着賣錢買得素絲歸

節孝先生文集卷第二十六

律詩三十一首

雪十首

淮上飛花正皓然日車月御欲停鞭千形凜凜如無  
地一片蒼蒼忽露天洞口似迷山路處斗間疑泛海  
槎年長瓢酒挹雲泉釀大軸詩題錦水牋僧舍手杯  
留煮茗漁庵餅貯借烹鮮喜餘稻糝投饑喙慚乏緜  
袍贈凍肩白裡好張紅步障猛中宜擺絳戎旃掃開  
寥廓憑風帚挾去紛紜憶劍僊獵火正燃雲有焰旅  
庖何在突無烟謂漫未應門外同袁子曾買汙萊數



畝田

君看飛雪競翩翩雲將爭驅正着鞭人望已酬殘臘  
後物華兼值早梅天招沽北椽輸平日走馬西州憶  
少年漏屋旋消濡弊褐破窻穿過濕餘殘蹄涉易見  
真窪滿糞土難辭偽色鮮席戶冷灰人削迹朱門熱  
炙客摩肩紛紛萬事還如此寂寂幽懷盡舍旃流水  
明中爭趁月斷鴻深處獨藏仙誰家漁棹空聞笛何  
處樵村只見烟最好耕農相賀了牛衣醉卧夕陽田

又

侯欵諸祠方徹奠

謂張

車回五駿

既投鞭雲如大練

生淮浦雪似繁星落楚天有客弄花知樂歲何人感  
物惜流年南城病僕惟沽酒西郭詩章但買殘隱伏  
急因明處見垢汙多自夜來鮮傭將稗穀絕糊口拾  
去濡薪未息肩白面韝鷹紅錦臂烏山圍獸赤繒旃  
却燃燈坐疑為夢欲上樓看恐有仙玉鏡臺前侵皓  
月碧紗窓外弄青烟樹頭還有鴻棲否船是寒沙水  
畔田

諸少逸駕追無前我乘駑馬持短鞭更添一老愛白

雪

謂漫

但開兩眼尋青天詩中戈矛欲揮我君家伯

仲空忘年操筆吟哦有裂管倒囊抖擻無遺殘誰知

群形消即露却還本質汗與鮮田廬有蓬尚塞戶樵  
衣無布堪補肩群兒上壠芻且牧孤戍曝日旗與旃  
人間安得真洞府空中失脚飛神仙明月隨來會星  
弁白雲迎去升紫壘溪灣留下斷虹卧山陰亦有玲  
瓏田

一夜五宮星茫然投壺笑電揮赤鞭何物變為淮上  
雪餘花散入江南天東家乞火温稚子西鄰賒酒娛  
高年樵翁頭上笠戴月漁父手中帆卷殘庚子貞家  
但尋菜鮑通直輩彌矜鮮卞郎方弄瓠杯杓浙帥已  
亡羊髀肩當門正好張敝席隔籬可笑窺華旃景是

珊珊上樓珮恰如冉冉升空仙牽牛童兒飲河漢扶  
犁老子耕雲壘漫翁何處拾瑤草自有梅花大庾田

又

江西詞客休刺船馬上俊郎休弄鞭且看滿城花落  
地恰如窮谷曉時天松林獨幹凌堅操麥壠踈毛白  
少年犬信宜將筒護紙鴻書須用帛為歲月中兩艷  
非投暗物裡千形不較鮮最好一環圍井口有時教  
點露山肩紛來上相揮長塵側去諸鄉蔽曲旃水畔  
誰為佩珠女車中人是行雲仙吟裁笛竹清梅瘦忽  
爨琴桐濕更壘近日無錢酬酒媪且教借賣漫翁田

又

昨宵夢看六龍洲鶴御驚回墜曉鞭萬頃落花春晚  
後一床清水月明天門無黃雀張羅地室有玄熊應  
夢年入竹好鳴寒玉珮寄梅兼附白雲成楊妃綉段  
披方穩李逸烏紗果更鮮避色莫投粧婦指弄香湏  
撲舞蛾肩群鳥巢過巢無樹一免奔歸獵有旃溪叟  
正如翹蒂鷺山翁彌似出塵仙僧簷鳥伺齋餘飯客  
竈猶接爨後釜且報漫翁來掘壁墻間便是我家田

又

吟懷忽共雪紛然罪逆餘骸自可鞭因極之恩無報

日難平所感欲呼天身騎驤裒成童歲手握狻猊未  
卅年三醕吟醅將及斗一揮罪筆恰盈牋當時飾束  
頭毛綠今日衣濡皆血鮮楚泮師儒新覲目秦關父  
老舊隨肩中心但比孤青檜外物無庸大赤旃每指  
多圖為耽毒自言寡慾即神仙房中得子眠温席突  
外從人笑冷煙以此終身慰泉壤不須問舍與求田  
又

荀翁猶慕李膺賢漫更當車我執鞭轆下兩驂將逐  
驥墻間一穴欲窺天兵鋒甚銳逢今日鉄陣橫行記  
昔年將鉞揮金何用劍檄書揮羽不須戩勇騎龍子

神彌俊笑扼犀吭血正鮮一鼓已輸元帥手雙矛將  
解敵人肩我徒北首思投甲子使西來約卷旃自是  
見羸謀餌虜却云養氣欲希仙已嚴軍令除添竈但  
恐師期忽舉煙設若渝盟相掩襲衝車突騎占平田

又

團團蘚暈埋青錢稍稍竹樹藏緝鞭鷓鴣覆水魚沉  
淵茅置蔽地禽冲天梅房處女鶯坐禪草頭稚子松  
耆年浮光飛沫人游川斜行大字鴻書牋壯士可論  
持守堅美人休說容華鮮乞餘之夫尤慕羶附炎之  
子彌脇肩穿花走馬錦箠垂雲閣武車張旃號姨  
滿路空遺鈿陳妃倚閣真神仙有人情似山中泉其  
情濃如春深煙留下斷芦雲蓑篇長令雪滿淮之田

偶述

寂然閑地好絃歌胸中森森萬仞戈自道壯圖終有  
用未知時事竟如何千金似糞無心願一劍如霜為  
國磨吟輒廢眠詩骨瘦酒能消思醉顏酡起登夜閣  
乘明月笑倚寒山望太阿誰道吾儒無壯士藺生功  
烈勝廉頗

催粧二首

魯巷子方樂秦樓子幸俱所期為列女應不訕庸夫

野叟田無壁仙娥佩有珠  
鳶歌迎弄玉麟脯宴麻姑  
自是閨中秀何煩臉上朱  
君看閨風客親駕五雲車

又

行事從來號濶迂  
酒間詩興便豪慵  
盧公誤妾平生事  
嫁得東臯卧草夫

錦被堆

春風蕭索為誰張  
日煖仍燠百和香  
遮處好將羅作帳  
襯來堪用玉為床  
風吹亂展文君宅  
月下還鋪宋玉墻  
好向謝家池上種  
綠波深蓋鴛鴦

神宗皇帝挽詞

顧託艱難後宮城  
晝閉閔師屯五校  
肅日馭六龍閑  
易貯金莖露難尋  
玉府山裕陵人散  
後猶望白雲間

又

啓殯龍輔動森森  
鳳翼移迎神帳殿  
遠背闕梓宮遲  
日慘河山路草枯  
霜霰時絲庭覺蕭  
洒應誦蓼莪詩

代人進太皇挽詞 并表

臣某言得本道進奏官報太皇太后靈駕某月某  
日發引者太皇以憂勤損壽主上以諒陰不言事  
有司存舉無墜典中謝伏以  
大行太皇太后以太  
母之尊攝本朝之政  
扶持大業擁佑聖躬  
心至公

而貫乎鬼神德甚盛而格乎上下物皆受賜事有  
成功奄弃明時側承遺誥陛下以嫡孤之義而持  
重以聖人之孝而因心行已過哀動皆得禮外雖  
聽政內服通喪奉几筵於晨昏盡用山陵之制度  
散塗啓殯日月有期儀仗所施吉凶皆備至於靈  
輿發引挽士哀歌曲盡上心無遺一物臣官雖補  
外乎寔由中不惟螻蟻之微敢貢芻蕘之語

九載憂勤事傾心為繼明手扶天柱起身御日車行  
大業真無負全功定有成生民正歌舞萬丈玉山傾

又

絳節排山仗珠襦換玉衣不乘黃鵠去即御赤鸞飛  
受謚心無媿朝真德有輝太元庭上客聞義亦歔歔

又

一自姬周後難乎有此才明將照幽隱澤欲被蒿萊  
外屬私恩絕本朝公道開勒銘何處好嵩嶽鬱崔嵬

又

玉殿啟宮啓龍輜印陛初嚴兵猶警夜列仗已當車  
路指新陵闕窗留舊簡書移班近東處風月一簾虛

又

導騎鳴鞭去魂車亦戀闕遲梓宮何處宿幄殿夕陽時

天上有名姓人間無路岐三泉深百尺神御復何之  
閻博士挽詞

可惜方剛士平生氣貌嚴有朋搔白首無路弔蒼髯  
地下新潛德人間故養恬儒林與孝友二傳子須添

又

一夢龍蛇後難尋博士星所居城見月仍用栢為庭  
白馬車齊送黃官戶永扃松陵今夜客慟哭入冥冥

苗戶部挽詞

雖負文場志何慚國士風王廷曾抗論廟鼎合銘功  
玉樹摧平地朱霞落半空故人遺嘆在秋後有驚鴻

又

已矣公歸矣哀哉將柩何黃宮無處樂玄冕有誰歌  
南越生祠久東川畫像多孤窮親黨在共立碣嵯峨

林漕挽詞

國士青雲器儒林合抱糸羽儀丹穴鳳頭角劍津龍  
玉筍班雖貴皇華使愈恭人亡其政在尚可訪遺踪

又

一夢無回處龐眉坐栢庭幾時逢白日萬事付哀鈴  
畫翬行須緩黃宮到便扃松陵詩莫和慟哭不堪聽

蔡學士挽詞

斗分星孤隕虞庭鳳不還金龍拋使節玉筍誤朝班  
世德元明後家声王謝間國功圖未卒歸老負江山

又

命也雖亡矣但須銘此墳朝中尋故事江外訪遺文  
遠思歸流水高風寄白雲忠魂在斯否義亦不忘君

又


舊業儒編富新裝使橐空潔身辭白日隨柩載清風  
義與人心在名湏江水窮諸山同峴首有手勝羊公

又

且止明旌住玄堂即閉關素絲蒙柩往白堊洗車還

身後千詩在生前萬事閑松陵哀怨客來弔自湖山





程子